

Des Sauvages, ou, Voyage

rent pour aller à la guerre, ils s'assemblerent tous, avec leurs plus riches habits de fourreures, castors, & autres peaux, parez de Patenostres & cordons de diverses couleurs, & s'assemblerent dedans une grand place publique, où il y avoit au devant d'eux vn Sagamo qui s'appelloit Begonrat qui les menoit à la guerre, & estoient les vns derriere les autres, avec leurs arcs & flesches, massues, & rondelles de quoy ils se parent pour se battre: & alloient sautant les vns apres les autres, en faisant plusieurs gestes de leurs corps ils faisoient maints tours de limacon: apres ils commencerent à danser à la façon accoustumee, comme j'ay dit cy dessus, puis ils feirent leur Tabagie, & apres l'avoir faict, les femmes se despouillerent toutes nues, parées de leurs plus beaux Marachias, & se meirent dedans leurs Canots ainsi nues en dansant, & puis elles se vindrent mettre à l'eau en se battant à coups de leurs avirons, se jettans quantité d'eau les vnes sur les autres: toutesfois elles ne se faisoient point de mal, car elles se paroient des coups qu'elles s'entre-ruoient. Apres avoir faict toutes ces ceremonies, elles se retirerent en leurs Cabannes, & les Sauvages s'en allerent à la guerre con-